



ბ ა ნ ჩ ი ნ ე ბ ა
საქართველოს სახელით

18 მაისი, 2011 წ.

ქ. თბილისი

თბილისის სააპელაციო სასამართლო
ადმინისტრაციულ საქმეთა პალატა

მოსამართლე – ქეთევან დუგლაძე

აპელანტი – საქართველოს თავდაცვის სამინისტრო

მოწინააღმდეგე შხარე – რობერტ ქართლოსიშვილი

დავის საგანი – ზიანის ანაზღაურება

გასაჩივრებული გადაწყვეტილება – თბილისის საქალაქო სასამართლოს ადმინისტრაციულ საქმეთა კოლეგიის 2011 წლის 24 მარტის გადაწყვეტილება.

ზეპირი მოსმენის გარეშე განიხილა მხარეთათვის საჯარო შეტყობინების შესახებ საკითხი

ბ ა მ თ ა რ პ ვ ი ა:

თბილისის საქალაქო სასამართლოს ადმინისტრაციულ საქმეთა კოლეგიის 2011 წლის 24 მარტის გადაწყვეტილებით, საქართველოს თავდაცვის სამინისტროს სარჩელი, მოპასუხე რობერტ ქართლოსიშვილის მიმართ ჯარიმის, პირგასამტებლოს და ზიანის ანაზღაურების თაობაზე დაკმაყოფილდა ნაწილობრივ: მოპასუხე რობერტ ქართლოსიშვილის სახელმწიფო ბიუჯეტის სასარგებლოდ დაეკისრა ჯარიმის – 359 83.07 ლარის, პირგასამტებლოს – 1079 4.92 ლარისა და სანივთე ქონების დავალიანების სახით 1644 ლარის ანაზღაურება. საქართველოს თავდაცვის სამინისტროს სარჩელი ზიანის სახით 1746.87 ლარის ოდენობით მოპასუხე რობერტ ქართლოსიშვილსათვის დაკისრების ნაწილში არ დაკმაყოფილდა უსაფუძვლობის გამო.

აღნიშნული გადაწყვეტილება სააპელაციო საჩივრით გაასაჩივრა საქართველოს თავდაცვის სამინისტრომ, მოითხოვა სარჩელის დაუკმაყოფილებელ ნაწილში გადაწყვეტილების გაუქმება და ამ ნაწილში ახალი გადაწყვეტილებით სარჩელის დაკმაყოფილება.

სააპელაციო სასამართლომ იმსჯელა საქმის სრულყოფილად, კანონმდებლობით დადგენილ უმოკლეს ვადაში განხილვისა და გაჭიანურების თავიდან აცილების გარემოებებზე, გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები და მიზნებს, რომ ვინაიდან, მოწინააღმდეგე

მხარის ადგილსამყოფელი უცნობია და მისთვის სასამართლო უწყების ჩაბარება სხვაგვარად ვერ ხერხდება, მიზანშეწონილია რობერტ ქართლოსიშვილს საქმის განხილვის დრო და ადგილი ეცნობოთ საჯარო შეტყობინების გზით.

საქართველოს ადმინისტრაციული საპროცესო კოდექსის პირველი მუხლის მე-2 ნაწილის თანახმად, თუ ამ კოდექსით სხვა რამ არ არის დადგენილი ადმინისტრაციულ სამართალწარმოებაში გამოიყენება სამოქალაქო საპროცესო კოდექსის დებულებანი.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის შემთხვევაში – მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

ზემოაღნიშნულიდან გამომდინარე, სააპელაციო სასამართლომ გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები, მიიჩნია, რომ ვინაიდან მოწინააღმდეგე მხარის ადგილსამყოფელი უცნობია და მისთვის სასამართლო უწყების ჩაბარება სხვაგვარად ვერ ხერხდება, რობერტ ქართლოსიშვილს სასამართლო უწყების შინაარსი ეცნობოს საჯარო შეტყობინების გზით. ამასთან, სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე (www.cmp.court.ge).

სააპელაციო სასამართლომ იხელმძღვანელა საქართველოს ადმინისტრაციული საპროცესო კოდექსის პირველი მუხლის მე-2 ნაწილით, საქართველოს სამოქალაქო საპროცესო კოდექსის 70-ე-78-ე, 285-ე მუხლებით

დ ა ა დ ბ ი ნ ა:

1. რობერტ ქართლოსიშვილს საჯარო შეტყობინებით ეცნობოს, რომ საქართველოს თავდაცვის სამინისტროს სააპელაციო საჩივრის ზეპირი განხილვა, თბილისის საქალაქო სასამართლოს 2011 წლის 24 მარტის გადაწყვეტილებაზე, დანიშნულია თბილისის სააპელაციო სასამართლოში 2011 წლის 25 მაისს 11:30 სხდომის დარბაზი №8 (თბილისი, გრ. რობაქიძის გამზ. №7^ა); სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე (www.cmp.court.ge).
2. სხდომაზე დასაბარებელი პირი გაფრთხილებულ იქნეს, რომ არასაპატიო მიზეზით გამოუცხადებლობის შემთხვევაში, სასამართლო მის დაუსწრებლად გამოიტანს გადაწყვეტილებას საქმეში არსებული მასალების და საქართველოს

- ადმინისტრაციული საპროცესო კოდექსის მე-4 და მე-19 მუხლების
დებულებათა გათვალისწინებით;
3. სასამართლო უწყება მხარისათვის ჩაბარებულად ითვლება სასამართლო
შეტყობინების თბილისის სააპელაციო სასამართლოს ვებგვერდზე განთავსებიდან
მე-7 დღეს.
4. განჩინება შეიძლება გასაჩივრდეს თბილისის სააპელაციო სასამართლოს მიერ
მიღებულ შემაჯამებელ გადაწყვეტილებასთან ერთად, ამ უკანასკნელის
გასაჩივრებისათვის დადგენილი წესით.

მოსამართლე:

ქეთევან ლუგლაძე